

ՄԵԾԱՆՈՒՆ ԳԻՏՆԱԿԱՆԸ ԵՎ ՎԱՍՏԱԿԱՇԱՏ ՄԱՆԿԱՎԱՐԺԸ

(Մենդյան 75-ամյակի առթիվ)

Հայկական ՍՍՀ ԳԱ ակադեմիկոս Արարատ Սահակի Ղարիբյանը ծնվել է 1899 թ. Արտաշատի շրջանի Ալզեղար գյուղում։ Գյուղական



դպրոցից հետո խոստովանալից պատանին ուսումնառությունը շարունակում է Երևանի գիմնազիայում, որը և ավարտում է 1919 թ.։ Այնուհետև նա զբաղվում է ուսուցչությամբ։ Սակայն ուսումը շարունակելու տենը հանգիստ էր տալիս նրան։ 1923 թ. Ղարիբյանն ընդունվում է Երևանի պետական համալսարանը, որտեղ ունենդրում է ժամանակի խոշորագույն հայագետներին, խորանում լեզվաբանության մեջ։ Համալսարանն ավարտելուց հետո նա սովորում է ասպիրանտուրայում, դեկավար ունենալով մեծագույն լեզվաբան Հրայր Աճառյանին։

Հուլիսի աշխատասեր ու բանիմաց Ղարիբյանն, իր խանդավառ սերնդակիցների հետ միասին, հոգու ամբողջ նվիրումով, սկսած 30-ական թվականներից ձեռնամուխ եղավ նորաստեղծ Սովետական Հայաստանում կուլտուրական հեղափոխության իրականացման գործին. անգրագիտության վերացում, դպրոցական ցանցի վերակառուցում, մանկավարժական

կադրերի պատրաստում, դասագրքերի, ծրագրի ու ձեռնարկների ստեղծում, բնագավառներ, որոնցում իր մասնակցությունն է ցուցաբերել մեծանուն գիտնականը։

Մեծ է Ա. Ղարիբյանի վաստակը մանկավարժական կադրեր պատրաստելու գործում։ Երկար տարիներ դասախոսական-մանկավարժական աշխատանք կատարելով մեր հանրապետության, Ադրբեջանի և Վրաստանի բարձրագույն ուսումնական հաստատություններում, նա զգալիորեն նպաստել է հայոց լեզվի ուսուցիչների պատրաստման գործին։

Ակադեմիկոս Ա. Ղարիբյանը ժողովրդական գիտնական է դարձել դպրոցին՝ նվիրվելու, դասագրքեր ու մեթոդական ձեռնարկներ ստեղծելու շնորհիվ։ Նրա գրչին են պատկանում մեկ տասնյակի հասնող հայոց ու ռուսաց լեզուների դասագրքերը, որոնց մեջ առանձնակի հաջողություն ունեցավ 5—6-րդ դասարանների ընթացիկության դասագիրքը։ Նա ուսուցիչներին տվեց «Հայոց լեզվի դասավանդման մեթոդիկա», «Հայ մանկավարժական լեզվաբանության հարցեր» և այլ մեթոդական ձեռնարկներ։

Խոշոր է գիտնական Ա. Ղարիբյանի ներդրումը հայագիտության մեջ, Հետաքրքիր է հիշատակել, որ Հայաստանում բանասիրության զծով առաջին թեկնածուական (1937 թ.) և դոկտորական (1940 թ.) գիտական աստիճաններ շնորհվել են Ա. Ղարիբյանին։ Թեկնածուական դիսերտացիան նվիրված էր «Հայերենի հոգնակի մասնիկները և նրանց լեզվաբանական արժեքը», իսկ դոկտորականը՝ «Հայ բարբառների մի նոր ճյուղ» թեմաների լուսարանմանը։ Նրա գիտական նախասիրություններից մեկը գրական աշխարհարարի պատմության և հայոց լեզվի պատմական քերականության ուսումնասիրությունն էր։ Այս պրոբլեմին հեղինակը նվիրել է բազմաթիվ աշխատություններ և հոդվածներ։ «Հայերենի անվանական հոլովման զարգացման երկու օրենքները» (1955), «Հայերենի հոգնակի նշանակող մասնիկները և նրանց լեզվաբանական արժեքները» (1935), «Հայոց լեզվի պատմության ուսումնասիրության ներածություն» (1937) և այլն։

Ա. Ս. Ղարիբյանը մի առանձին սիրով ու եռանդով է նվիրվել հայ բարբառագիտության,

ուսումնասիրությունը, Հատորեն առաջ տանելով իր քննությունները, նա հայտնաբերել է բազմաթիվ բարբառներ ու մի շարք բարբառային ճյուղեր, վեր է հանել բարբառների կառուցվածքային յուրահատկությունները, վերանայել ու կատարելության հասցրել նրանց դասակարգման սկզբունքը:

Հայ բարբառագիտության քննազավառում Ա. Ղարիբյանը Հ. Աճառյանից հետո լուծեց շատ կարևոր մի խնդիր. նա բարբառային փաստերի ծառայեցրեց հայոց լեզվի պատմության խրթին հարցերի լուսարանմանը:

Փաստական հարուստ նյութի հիման վրա քարտեզագրելով բարբառների բաղաձայնական համակարգը և քննելով երևույթի բաղաձայնական ու նրա առաջացման պատճառները, Ա. Ղարիբյանը հանգեց հայկական կոնսոնանտիդի նոր մեկնաբանության գաղափարին, որը որպես հնդեվրոպական լեզուների կարևոր հատկանիշներից մեկը տեական քննության ենթարկեց միութենական «Вопросы языкознания» հանդեսում (1959—1961 թթ.), բանավեճին մասնակից դարձնելով միջազգային համարում ունեցող բազմաթիվ լեզվաբանների, Հայագիտական հարցի քննարկումը միջազգային մասշտաբով կարևոր երևույթ էր, հայագիտական մտքի զարգացման լավագույն օրինակ:

Ա. Ղարիբյանի՝ հայ բարբառագիտությանը նվիրված տասնյակ աշխատությունների գլուխգործոցը «Հայ բարբառագիտություն» (1953) մեծածավալ աշխատություն է, որը հարցերի ընդգրկամբ մի յուրատիպ հանրագիտարան է:

Ա. Ղարիբյանի գիտահետազոտական աշխատանքն ընթացել է հայոց լեզվի պատմության, հայ բարբառագիտության, բառարանագիտության հարցերի լուսարանման, ինչպես նաև դպրոցական ու բուհական դասագրքեր և հայոց լեզվի նոր մեթոդիկա ստեղծելու ուղղություններով:

Ա. Ղարիբյանը հայ բառարանագրության քննազավառում հանդես եկավ և՛ որպես կազմակերպիչ ու հեղինակ, և՛ թե հեղինակակից ու խմբագիր: Նրա ղեկավարությամբ են կազմվել ռուս-հայերեն քառահատոր, հայ-ռուսերեն ռազմական, ուղղագրական և այլ բառարաններ: Հատկապես բարձրարժեք է նրա ստվարածավալ ռուս-հայերեն բառարանը (1968), որն արժանացավ հանրապետության պետական մրցանակի:

Արգասավոր է Ա. Ղարիբյանի գիտա-կազմակերպչական աշխատանքը. նա երկար տա-

րիներ ղեկավարել է նրանի պետական համալսարանի, Խ. Աբովյանի անվան և հետևյալ մանկավարժական ինստիտուտների հայոց և ռուսաց լեզուների ամբիոնները, միաժամանակ հանդիսանալով դրանց մի մասի հիմնադիրը: Նա շուրջ 14 տարի ղեկավարել է ՀՍՍՀ գիտությունների ակադեմիայի լեզվի ինստիտուտը: Այժմ Ա. Ղարիբյանը ՀՍՍՀ ԳԱ հիմնականում սրահարանի գիրեկտորն է:

Ա. Ղարիբյանը համարարաւ քարտարանի հիմնադիրն ու գիտական ղեկավարն է: Այս քարտարանի շնորհիվ հրատարակական ընթացքի մեջ գտնվող «Ժամանակակից հայոց լեզվի բացատրական բառարան» նախատեսված շորս հատորից հասավ հինգի, դարձավ ավելի կատարյալ: Ա. Ղարիբյանի ղեկավարությամբ մշակվեցին այդ բառարանի սկզբունքները և նրա գլխավոր խմբագրությամբ հրատարակվեց առաջին հատորը:

Այժմ գիտական օգտագործման մեջ են դրված Խորենացու և մյուս դասական հեղինակների համարաբարանները, որոնց հիման վրա պիտի ստեղծվի գրաբարի լիակատար բացատրական բառարան: Սա մի ձեռնարկում է, որը նշանակալից ավանդ է հայագիտության մեջ և նպաստում է նրա հետագա զարգացմանը:

Մեծ և փառավոր ուղի է անցել մեծանուն գիտնականն ու հմուտ մանկավարժը, որն իր ամբողջ գիտակցական կյանքը նվիրաբերել է հայոց լեզվի ուսումնասիրմանը և սովետահայ լեզվաբանության զարգացմանը: Ա. Ղարիբյանի բազմամյա գիտական բեղմնավոր աշխատանքը ըստ արժանիության գնահատվել է կառավարության և ժողովրդի կողմից: Նա արժանացել է գիտության վաստակավոր գործչի կոչման, պարգևատրվել Աշխատանքային կարմիր դրոշի շքանշանով, Խ. Աբովյանի մեդալով և բազմաթիվ գովասանագրերով ու պատվոգրերով:

Ուրախալի է, որ հարգելի պրոֆեսորն իր կյանքի ութերորդ տասնամյակի կեսերին ստեղծագործում է նույնպիսի եռանդով ու ավյունով, ինչպես շատ տարիներ առաջ: Անսպառ եռանդի տեր, տքնաշան, ժամանակի պահանջներին համաքայլ ընթացող, իր գիտելիքները բանավոր ու գրավոր խոսքի միջոցով մասսաներին հասցնող յոթանասունհինգամյա Արատ Ղարիբյանին ցանկանանք քաջառողջություն և արգասավոր գիտական գործունեություն:

Բ. Հ. ԲԱՂՐԱՄՅԱՆ
Բաճաթիքական գիտությունների դոկտոր